



28. november 2013

Inatsisartut suleriaasianni § 37 naapertorlugu matumuuna Naalackersuisunut apeqquteqaateqarpunga:

1.

Piffissami killilimmi 2015-2018-imi ujaqqanik pinneraasiassanut immikkoortortaqarfimmik pilersitsinissamut Naalackersuisut 13,8 millioner koruuninik atuissamaarput. Taakku 13,8 millioner koruunit ujaqqanik pinneraasiassanut immikkoortortaqarfimmut pilersinneqassamaartumut tamarmik atorneqassappat imaluunniit immikkoortortaqarfimmut aningaasartuutissat ilaannik True North Gems Naalackersuisut akileeqataatinniassamaarpaat?

2.

True North Gems atuisinnaanermut akuersissummik tunineqassappat piffissami killilimmi 2013-2018-imi ujaqqanik pinneraasiassanit Nunatta Karsia qanoq amerlatigisunik isertitaqassangatinneqarpa?

3.

True North Gemsimut, London Miningimut, GME-ip suliniutaanut aammalu Aatsitassarsiornermi Aningaasaateqarfik pillugu 2013-imi Inatsisartut ukiakkut ataatsimiinneranni aalajangersagaliarineqartunut nutaanut ilimasunnerit tunngavigalugit piffissap killillip 2013-2018-ip iluani Aatsitassarsiornermi Aningaasaateqarfiup atortuulersinneqarnissaa piviusorsiorpaluttuua?

(Inatsisartunut ilaasortaq Naaja H. Nathanielsen)

Tunngavilersuut

2014-imut aningaasanut inatsimmi konto 20.11.50/Ingerlatsinermit sillimmatit-mut tunngatillugu oqaasertaliussaartoqarpoq. Tassani Kalaallit Nunaanni rubinik tuniniaaneq aallartinneqassappat allaffissornikkut immikkoortumik pilersitsinissamut pilersaarutit allaatigineqarput.

True North Gems atuisinnaanermut akuersissummik tunineqassappat naatsorsuutigineqarpoq immikkoortoq rubinik piaanermik, suliareqqiinermit aammalu rubinik tuniniaanermik avammullu niuernermit nakkutilliiviususaaq pilersinneqassasoq. Immikkoortoq 2015-imi 3.572 millioninik, 2016-imi 3.957 millioninik, 2017-imi 3.145 millioninik 2018-imilu 3.145 millioninik akeqassangatinneqarpoq. Katillugit 13.8 millionit ukiuni sisamani.

Oqaasertaliussami Naalakkersuisut allapput:

"Immikkoortortaq pilersinneqassagualuarpat nunatta karsiani isertitassat annertusinissaannik kinguneqarnissaa aamma malugeqquneqarpoq, isertitallu ujaqqanik pinnersaatiliorfimmu aningaasartuutaasunik qaangiinissaat ilimanarsinnaalluni."

Aningaasartuutitut pisinnaatitsissutit oqartussaasutut suliaqarnermut attuumassuteqartut ilaannut matussutaasussanik Aatsitassarsiornermi Aningaasaateqarfik pillugu inatsimmi § 94 naapertorlugu Naalakkersuisut akitsuusiinissamut piginnaaniligaapput. Taanna pissutigalugu soorunami alapernaappunga ilimagisatut True North Gems atuisinnaanermut akuersissummik tunineqarpat paragraffi taanna atortitaalerumaassanersoq. Siumungaaq qinnutigissavara apeqquteqaammi apeqqutit tamarmik ullut qulit suliffiusut qaangiutsinnagit akineqariissasut.